



24 Augustus 2026

Tygieland-nuus

Webtuiste: www.tygies.co.za

PSALM 103:12 So ver as die ooste is van die weste, so ver verwyder Hy ons oortredings van ons.

PROGRAM VIR DIE WEEK	
Maandag – 24 Augustus	• Playball • A+ Students • Pottebakkerij • Young Engineers • Gimnastiek • Krieket-akademie • Netbal Ninjas Akademie • Little Readers • Minikrieket (graad R): 17:00-18:00 (B-rugbyveld)
Dinsdag – 25 Augustus	• Graad RR-instappie (voëls) • Tygieland-hokkie (graad R) 07:45 • Tygieland-koor oefening • EQ4KIDS (Emosionele intelligensie) • Tennisafrigting (JL's Tennis Academy) • Super Somme (graad R) • A+ Students • Krieket-akademie • Stoei (0.5 - 0.6): Oefening (skoolsaal) 17:00 – 18:00
Woensdag – 26 Augustus	• Experi buddies • A+ Students • Super somme (graad RR) • Krieket-akademie • Netbal Ninjas Akademie • Ballet • Little Readers • Minikrieket (graad R): 17:00 – 18:00 (A-rugbyveld) • Koorafsluitingskonsert (skoolsaal)
Donderdag – 27 Augustus	• Graad R-instappie (die plaas) • Tygieland-hokkie (graad R) 07:45 • RSD (rugbyvaardighede) • Hippity Hop • Ballet • A+ Students • Tennisafrigting (JL's Tennis Academy) • Stoei (0.5 - 0.6): Oefening (skoolsaal) 17:00 – 18:00
Vrydag – 28 Augustus	☺ SNOEPIEDAG ☺ • Gholf • Voortrekkers

KURRIKULUM

GRAAD RR

TEMA: Besoekers in my tuin
Liedjie: Incy Wincy spider
Gedigjie: Duisendpoot

GRAAD R

TEMA: Op die plaas – Wolboerdery
Liedjie: Old McDonald
Gedigjie: Swart skaap

TENDER: RIOOLOPGRADERINGSPROJEK

Laerskool Tygerpoort beoog om 'n rioolopgraderingsprojek op tender te plaas. Kontrakteurs wat belangstel om aan die tenderproses deel te neem, word genooi om hul besonderhede teen **26 Augustus** te stuur na logistiek@tygies.co.za.

'n Formele tenderuitnodiging, tesame met die nodige tenderdokumentasie en verdere besonderhede, sal daarna aan die geregistreerde belangstellendes gestuur word.

KLEREWINKEL

Neem asb. kennis dat die **klerewinkel gesluit** gaan wees op **Maandag, 31 Augustus** vir hul jaarlikse voor-raadopname.

LENTEDAG EN TYGIE-10-PROJEK

Op **Vrydag, 4 September** verwelkom Tygies die lente met oop arms en hande - somer só op Boomplantdag! Ons Tygies gaan groei in die waarheid wat die Skrif ons leer in Handeling 20:35: Dit is beter om te gee as om te ontvang.

- **Drag:** Trek jou vrolikste lenteklere aan!
- **Bring asb. saam:**
 - Jou Tygie-10-produkte om 'n maatjie se magie vol te maak - sien die voorgestelde inkopielys per graad.
 - Jou beursie vir die graad 7-markdag.

Voorgestelde inkopielys:

- Pap / Weet-Bix / ProNutro / Rice Crispies / Oats / All Bran / Cornflakes / enige ontbytpap

Ons benodig ook enige ekstra vleisskenking vir die vrieskas soos wildsvleis, wors, hoender of ander vleis-soorte. Vars groente en vrugte is weekliks welkom. Kontak mev. Karien Saayman by karien@tygies.co.za in dié verband.

Baie dankie aan ons Tygie-familie vir julle volgehoue ondersteuning en hulp.

Mag jul die seën van **Psalm 1:3** eerstehands ervaar:

“En hy sal wees soos 'n boom wat geplant is by waterstrome, wat sy vrugte gee op sy tyd en waarvan die blare nie verwelk nie; en alles wat hy doen, voer hy voorspoedig uit.”

KLEUTERTALEDAG - 11 SEPTEMBER

- Hierdie geleentheid is reeds lank 'n trotse tradisie by Tygieland.
- **Slegs die graad R-kleuters** kry die geleentheid om voor hul klasmaats 'n gediggie voor te dra.
- Die graad RR-kleuters neem nog nie aan hierdie geleentheid deel nie.
- Die klasse word in tydgleuwe ingedeel en die leerders dra per tydgleuf vir hul klasmaatjies en hul ouers hulle gediggies voor.
- Baie moeite gaan gedoen word om die Panthera mooi te maak en hierdie geleentheid vir die kleuters spesiaal te maak.
- Die kleuters sal almal 'n verrassing vir hulle dapperheid ontvang.
- Nie net is hierdie 'n spesiale dag nie, maar die kleuters kry ook blootstelling om voor ander op te tree.
- Ons bou so aan hulle selfvertroue om met vrymoedigheid in graad 1 hul mondelinge praatjies te kan doen.
- Die kleuters kan klere dra wat by hulle gediggie pas. Rekwisiete kan ook gebruik word.
- **Ouers is self verantwoordelik om saam met hulle kleuters 'n pret gediggie**, op die **kleuter se vlak**, uit te kies. Leer dan hierdie gediggie vir u kleuter en geniet dit saam met hulle.
- Glo in u kind en bou saam met ons aan hulle selfvertroue!

DIPLOMAFOTO'S (GRAAD R): 14 SEPTEMBER

- Hierdie foto's sal **Maandag, 14 September** geneem word.
- Al die graad R-leerders moet die spesifieke dag asseblief by die skool wees. Leerders wat dié dag nie by die skool is nie, sal nie 'n diplomafoto kry nie.
- Die fotopakket kos **R90** en die **enigste betaalmetode** is d.m.v. **EFT direk aan die fotograaf**:
 - Rekeninghouer: H.R. Photo lab
 - Bank: FNB
 - Rekeningnommer: 63137525573
 - Takkode: 250545
 - **Verwysing:** TLR- klas, voorletters en van (***bv. TLR R/P C Nel***)
- Skryf op die **kovert** u **kind se naam, klas, hoeveel pakkette** u bestel het, asook die **bewys van betaling**.
- Die kleuters moet asseblief hulle rooi Tygieland-hempies dra en hulle hare moet netjies wees.
- Die dogters se vlegsels of poniesterte moet asseblief laag gemaak word, sodat die "tosselhoedjie" mooi op hulle koppe kan pas.
- Die **Diplomaplegtigheid** vind op **Woensdag, 18 November** plaas. Meer inligting volg later.

KASKAR – 18 SEPTEMBER

- Kaskar is 'n Tygie-tradisie.
- Hierdie fondsinsamelingsprojek word op 'n kreatiewe manier benader en dié jaarlikse Kaskar-byeenkoms dien steeds as 'n vrolike gemeenskapsdag.
- Dié byeenkoms is ook 'n ideale geleentheid vir ouers wat graag by die skool betrokke wil raak en inskakel.

DEEL 1: FONDSINSAMELING

- Die suksesvolle troefkaart-formaat van verlede jaar word weer gebruik, maar daar gaan 'n heerlike "nuuttjie" met die sogenaamde "bonuskaarte" bygevoeg word.
- Tema: **Wêreld-Waarheid**
- Die fondsinsamelingsprojek het reeds afgeskop en eindig op Maandag, 21 September om 09:00.
- **ONDERSTEUN** asb. hierdie fondsinsameling deur die onderstaande skakel te volg.
- U staan 'n kans om pryse te wen!
- Skakel: [Kaskarvorm en pryse](#)

DEEL 2: OPTOG EN KASKARRESIES

- **Datum:** 18 September
- **Tyd:** 07:30 - 13:15
- **Bydrae:** R30
- Elke leerder betaal **R30** d.m.v. die d6 App (**Projek: Kaskaroptog**) voor of op **1 September**.
- Hierdie geld word aangewend vir die uitbeelding van die tema en die maak van die banier (materiaal en verf) en versiering / "prop" per leerder.
- Indien iemand 'n ander leerder wil borg kan dit per EFT in die skool se rekening betaal word. Stuur 'n e-pos met leerder/s se naam/name vir wie die betaling gedoen word, aan skoolgeld@tygies.co.za.
- Hou die nuusbrieff dop vir meer inligting en die program.

BEMARKINGSGELEENTHEID BY KASKARDAG - 18 SEPTEMBER

'n Bemarkingsgeleentheid vir u besigheid word gebied op ons nuwe elektroniese telbord (A-veld). U handelsmerk word bemark vanaf 07:30 - 14:00 vir die dag. Koste: R1000 per advertensie. Terme en voorwaardes geld vir die advertensies.

Moenie hierdie geleentheid misloop nie! Kontak vir me. Ardelle Scholtz by bemarking@tygies.co.za vir meer inligting.

OLD SCHOOL TYGERPOORT-ONDERSTEUNERSTRUÏ

- Met 'n trotse geskiedenis vanaf 1907 is die bestellings vir ons Tygies se Old School-ondersteunerstruie steeds beskikbaar.
- Voltooi die Google-vorm om u bestelling te plaas: <https://forms.gle/PZbYuxXiiTCsofri8>
- Koste: **R1399** per truï.
- **Bestellings** sluit **31 Augustus**.

SOS GHOLFDAG - 22 OKTOBER

WORD DEEL VAN 'N BESONDERE GHOLFDAG

Ons nooi graag besighede uit om saam met Sultans of Swing deel te wees van 'n lekker gholfdag ten bate van liefdadigheid, op Silverlakes Golf & Wildlife Estate.

Dit is 'n wonderlike geleentheid om **jou besigheid se naam en handelsmerk sigbaar te maak**.

Hierdie Gholfdag is ten bate van die Tygerpoort Onderwys Trust, waar fondse aangewend word vir liefdadigheid in ons skoolgemeenskap.

MANIERE OM BETROKKE TE RAAK:

- Borg 'n putjie
- Borg die gholfhoedjies
- Borg 'n veilingsitem of prys

Kontak ons gerus, indien u op watter manier ook al, betrokke wil raak en kom ondersteun hierdie goeie saak!

E-posadres: bemarking@tygies.co.za

MBT PETROLEUM LOJALITEITSPROGRAM

Een van die skool se borge, **MBT Petroleum Lynnwood**, het 'n lojaliteitsprogram geloods waaroor ons baie opgewonde is. Die skool en u kan daarby baat. Vir elke liter brandstof wat ons as gemeenskap by hulle aankoop kry die skool 15c en u kry ook 15c "CashBack" in hulle lojaliteitsprogram wat by hulle spandeer kan word.

U hoef niks te doen nie. U moet slegs registreer en dan by **MBT Lynnwood** brandstof ingooi. Hoe meer mense in die gemeenskap deelneem, hoe beter. Ons het reeds kaarte by die skool wat ons vir u huis toe kan stuur. Indien u belangstel om die skool op die wyse te ondersteun, volg asseblief die onderstaande skakel en vul die Google-vorm in en ons sal die kaart vir u stuur. Ons waardeer al u ondersteuning.

Dankie **MBT Lynnwood** vir julle bydrae tot ons skool se vooruitgang.

➤ Skakel: <https://forms.gle/eYaRjhDpc4WaDzCP7>

TYGIELAND-KONSERT: 28 EN 29 OKTOBER

Tygieland hou konsert! Dit is altyd groot pret en vermaak vir almal!

- Tygieland se kleuters moet asb. elkeen **R350** vir alle konsertkostuums, dekor, rekwisiete asook die klank en beligting betaal.
- Hierdie bedrag kan eenmalig of tot einde September afbetaal word.
- **Alle gelde moet asb. teen einde September betaal wees.**
- Die gelde kan deur die **d6 App** onder die projek: **Tygieland-konsertklere**, inbetaal word.

Laat weet asb. u kind se **juffrou** as u kind **nie** aan die konsert **kan deelneem nie**. Ons wil nie vir kinders wat nie gaan deelneem, klere laat maak nie. Ouers sal vir dié onkoste verantwoordelik gehou word, indien die juffrou nie laat weet is nie.



Tygies

GROEI in WAARHEID

“En hy sal wees soos
'n boom wat geplant
is by waterstrome,
wat sy vrugte gee op
sy tyd en waarvan
die blare nie verwelk
nie; en alles wat hy
doen, voer hy
voorspoedig uit.”

PSALMS 1:2-3



Lentedag 2026



4 September



Kleredrag: Vrolike Lentedrag

**ONTHOU JOU TYGIE-10-PRODUKTE &
JOU BEURSIE VIR GRAAD 7-MARKDAG!**